

Forskrift [dato] om folkevalde sin rett til godtgjersle og velferdsgoder i Vaksdal kommune, Vestland Fylkeskommune.

Fastsett av Vaksdal kommunestyre [dato] med heimel i lov 22. juni 2018 nr. 83 om kommunar og fylkeskommunar §§ 8-2, 8-3, 8-4, 8-5, 8-6, 8-7, 8-9, 8-10.

§ 1 Føremål

Forskrifta skal leggje til rette for brei rekruttering til kommunale tillitsverv gjennom økonomiske ordningar som gjer det mogleg for alle å ta del i lokalpolitikken.

§2 Verkeområde

Forskrifta gjeld for medlemmer og varamedlemmer i folkevalde organ og andre politisk valde representantar som ikkje får dekkja godtgjersle eller utgifter av organet sjølv i kraft av sitt verv.

§ 3 Rett til dekking av utgifter og økonomisk tap

Den som har et tillitsverv i Vaksdal kommune har krav på:

- a) skyss-, kost- og overnattingsgodtgjering for reiser i samband med vervet
- b) dekking av utgifter som følgje av vervet, også utgifter til andre for å utføre naudsynte arbeidsoppgåver, barnepass og andre omsorgsoppgåver ein i samband med utføring av vervet ikkje sjølv kan utføre
- c) erstatning for tapt inntekt som følgje av vervet

Faste medlemmer i kommunestyret og kontrollutvalet får utbetalt eller utdelt IKT- utstyr for bruk til sitt verv, tilsvarende kr 5000 for ein valperiode.

Krav etter første ledd skal setjast fram for politisk sekretariat, så snart som mogleg og seinast innan 3 månadar etter at kravet oppstod. Kravet skal dokumenterast. Krav etter første ledd bokstav b eller c som ikkje kan dokumenterast, vert likevel dekkja dersom utgiftene eller tapet er sannsynleggjort på anna vis.

§ 4 Utmåling av utgifter og økonomisk tap

Godtgjering for skyss, kost og overnatting etter § 3 første ledd bokstav a vert gjeve for reiser i tråd med staten sitt reiseregulativ.

Utgifter etter § 3 første ledd bokstav b vert dekkja med inntil kr 800 per dag.

Tapt inntekt etter § 3 første ledd bokstav c vert dekkja etter dokumenterte tap. Ulegitimert tap arbeidshforteneste vert godtgjort med kr 160 pr. time og avgrensa oppover til 0,12% av ordførargodtgjersla pr. dag. Timegodtgjeringa vert justert kvart år tilsvarande prosentauka i møtegodtgjersla.

§ 5 Arbeidsgodtgjering

Den som har eit kommunalt stillitsverv, har krav på godtgjering for sitt arbeid etter følgjande satsar:

Verv	Godtgjering i % av ordførar si godtgjersle.
a) Kommunestyremedlemmer	1 % per år
b) Formannskap, plan-/ og økonomiutvalet	5 % per år
c) Medlemmer i utval for bygdeutvikling og i utval for levekår	2 % per år
d) Leiar i utval for bygdeutvikling og i utval for levekår:	3 % per år
e) Medlemmer i røystestyre	0,15 % per møte
f) Leiar i røystestyre	0,24 % pr møte
g) Møtande varamedlemmer for alle organ	0,075% per møte
h) Andre utval, nemnder og råd	0,075 % per møte
i) Utvalsleiarar i andre utval, nemnder og råd	0,12% per møte

Det vert ikkje gjeve møtegodtgjersle etter første ledd for meir enn eitt møte pr dag, med mindre det er meir enn to timar mellom slutt på første møtet og start på neste møte.

Det vert ikkje gjeve møtegodtgjering etter første ledd ved deltaking på kurs, konferansar eller representasjonsoppdrag i eksterne møter.

Det vert ikkje gjeve godtgjersle til andre enn direkte eller indirekte folkevalde medlemmer og varamedlemmer.

Fast årleg godtgjering etter første ledd vert redusert med 50 % ved deltaking i mindre enn 2/3 av tal avvikla møter i løpet av kalenderåret.

Varamedlem som tek del i minst 1/3 av møta i løpet av eit kalenderår, har rett til 50 % av den faste godtgjersla. Eit varamedlem som deltek i minst 2/3 av møta, har full rett til fast godtgjersle

Har eit medlem permisjon frå organet i minst tre kalendermånader i samanheng, vert det føreteke høvesvis trekk i den faste godtgjersla.

§ 6 Godtgjering ved frikjøp

Folkevalde som vert frikjøpt frå ordinært arbeid, mottak ei fast godtgjering i staden for dekking av tappt inntekt etter § 4, 3. ledd og arbeidsgodtgjering etter § 5.

Ordførar sitt verv er tilsvarande 100 % stilling. Godtgjering vert fastsett til 90 % av godtgjersle til stortingsrepresentantane.

Varaordførar sitt verv er tilsvarande 20% stilling. Godtgjering vert fastsett til 20 % av ordførar si godtgjering.. Varaordførar får i tillegg dekt tappt inntekt for deltaking i politiske møter.

§ 7 Ettergodtgjering

Ordførar har etter søknad, rett til ettergodtgjering i inntil 3 månader ved fråtreiding av vervet.

Søknad om ettergodtgjering vert avgjort av rådmannen.

Retten til ettergodtgjering vert avkorta mot annan inntekt etter reglane i kommunelova § 8-6 andre og tredje ledd.

§ 8 Pensjonsordning

Ordførar har rett til pensjon i tråd med kommunen si pensjonsordning for folkevalde.

§ 9 Rett til sjukepengar

Folkevalde som har eit tillitsverv som si hovudsysselsætjing, har same krav på sjukepengar som tilsette i kommunen.

Kommunen skal betale sjukepengar tilsvarande full godtgjersle i arbeidsgjevarperioden frå den fyrste til den sekstande sjukedagen, jf. folketrygdlova § 8-19.

Har den folkevalde krav på godtgjersle utover seks gonger grunnbeløpet, jf. folketrygdlova § 8-10 andre ledd, skal kommunen betale forskjellen mellom det den folkevalde har krav på å få utbetalt i sjukepengar frå folketrygda og det den folkevalde ville fått i godtgjersle i den same perioden.

§ 10 Rettar ved yrkesskade

Folkevalde som har eit tillitsverv som si hovudsysselsetjing, skal meldast inn i kommunen si yrkesskedeforsikring og eventuelle andre tilleggsforsikringar som gjev tilsette i kommunen rett til ytingar ved yrkesskade

§ 11 Permisjonar

Folkevalde som har eit tillitsverv som si hovudsysselsetjing, har etter søknad rett til permisjon i samsvar med arbeidsmiljølova § 12-1 til § 12-10, § 12-12 og § 12-15.

Søknad om permisjon blir avgjort av formannskapet.

Under permisjonen beheld den folkevalde godtgjersla i inntil to veker, med mindre han eller ho gjev avkall på den. Under svangerskapspermisjon, omsorgspermisjon, fødselspermisjon, foreldrepermisjon og ved barn og barnepassar sin sjukdom har den folkevalde rett til å behalde godtgjersla etter same reglar som gjeld for tilsvarende permisjonar for tilsette i kommune

§ 13 Årleg regulering

Godtgjersle vert regulert i høve regulering av godtgjersla til stortingsrepresentantane.

Dei kommunale godtgjerslene vert regulert med verknad frå 1. januar kvart år. Ein nyttar då fastsett godtgjersle til stortingsrepresentantane pr. 1. mai frå føregåande år.

§ 12 Ikraftsetjing

Forskrifta trer i kraft 1. januar 2021.